## Mwalimu Yesu Kristo

Mimi nimezaliwa kwa ajili ya haya, na kwa ajili ya haya mimi nalikuja ulimwenguni, ili niishuhudie kweli. Kila aliye wa hiyo kweli hunisikia sauti yangu.—Yohana 18:37.

Kristo alikuwa ni mwalimu bora kabisa ulimwengu kupata kuwa Naye. Alikuja ulimwenguni ili kuangaza kote miale angavu ya ukweli, ili kwamba watu waweze kupata kufaa kwa ajili ya mbingu. "Mimi nimezaliwa kwa ajili ya haya, na kwa ajili ya haya mimi nalikuja ulimwenguni, ili niishuhudie kweli. Kila aliye wa hiyo kweli hunisikia sauti yangu." Alikuja kuifunua tabia ya Baba, ili kwamba wanadamu waweze kuongozwa kumwabudu Yeye katika roho na kweli.

Hitaji la mwanadamu la Mwalimu wa mbinguni lilifahamika mbinguni. Huruma na wema wa Mungu viliamshwa kwa niaba ya wanadamu, walioanguka na kufungwa katika gari la Shetani; na pale utimilifu wa wakati ulipotimia, Alimtumaa Mwana Wake. Mmoja aliyeteuliwa katika baraza la mbinguni alikuja duniani humu kama Mwalimu wa mwanadamu. Ukarimu mwingi wa Mungu wetu ulimtoa Yeye kwa ulimwengu, na ili kukidhi mahitaji ya asili ya mwanadamu Alijitwika ubinadamu juu Yake. Kwa kulishangaza jeshi la mbinguni, Neno wa milele alikuja ulimwenguni humu kama mtoto asiyejiweza. Akiwa amejiandaa kikamilifu, Aliziacha nyua za kifalme na kufungamana kwa namna ya fumbo na wanadamu walioanguka. "Naye Neno alifanyika mwili, akakaa kwetu" (Yohana 1:14).

Kristo alipoacha mamlaka Yake ya juu, aliweza kuchukua juu Yake hali yoyote aliyoichagua maishani . Lakini ukuu na cheo havikuwa kitu Kwake, na akachagua njia ya unyenyekevu kabisa maishani. Hakuna anasa, raha au kujiridhisha vilivyokuwa katika safari ya uzoefu Wake. Ukweli wenye asili ya mbinguni ulikuwa ndiyo mada Yake kuu; Alipaswa kuotesha ukweli kwa ulimwengu, na aliishi kwa namna ambayo itaweza kufikiwa na watu wote.

Yesu kukua katika hekima na katika kumpendeza Mungu na mwanadamu halikuwa jambo la kushangaza; kwa maana ilikuwa ni kwa kulingana na sheria za uteuzi Wake Mtakatifu ili kwamba talanta Zake zikue na uwezo Wake uimarishwe. Hakutafuta elimu kutoka katika shule za marabi, kwa maana Mungu alikuwa ni Mwalimu Wake. Alipokuwa mtu mzima Aliendelea katika hekima na kimo. Alijizoeza Mwenyewe kwa bidii katika kujifunza Maandiko, kwa maana Alijua kuwa yamejawa na mafundisho ya thamani kuu. Alikuwa mwaminifu katika utekelezaji wa kazi Zake za nyumbani; na saa za asubuhi, badala ya kulala kitandani, mara nyingi zilimkuta akiwa mahali pa kupumzika, akichunguza Maandiko na kumwomba Baba Yake wa mbinguni.

Aliujua unabii wote kuhusiana na kazi na upatanishi Wake, hususan ule unaorejelea unyenyekevu, upatanisho na maombezi Yake. Kusudi la maisha Yake duniani lilikuwa mbele Yake daima, na alifurahi kufikiria kwamba kusudi

la Bwana wa rehema lingefanikiwa mikononi Mwake....

Maneno Yake yaliwafariji, yaliwaimarisha, na kuwabariki wale ambao walitamani kuwa na amani ambayo ni Yeye tu angeitoa (Counsels to Parents, Teachers, and Students, 259, 260).